

**Quality Sound**  
Elia Isenia  
Ike Jesurun/ Egòn Pieter

*Letra Kantadó Mayó 2024*



# Seú, e forsa di Kòrsou

Suyenne Shearman

(NOOT: Koro ta rechts/kanta ta links)

Tempu a kambia tin hopi desaroyo  
Pero tene kuenta

ku Seú ta keda Seú

Tempu a kambia tin hopi desaroyo  
Pero tene kuenta ku seú ta keda seú

Mas ku 300 añ' pasá,  
El a yega Kòrsou.  
Ritmo dushi bon kargá

Aki el a penetrá

Kantik'i trabou bon stiwá  
Ku dialekto konopá  
Instrumento pa lant'é  
Bos krioyo a

Kanté, yay'é, bras'é  
Huntu ku kueru pa kompañ'é

No tira sambarku afó  
Pa pia dreña sapatu nobo  
Seú tin su aña bieu  
No por kambí'é ku ritmo djaleu

No tira sambarku afó  
Pa pia dreña sapatu nobo  
Seú tin su aña bieu  
No por kambí'é ku ritmo djaleu



Ruku-ku-tata, ruku-ku-tata hmm  
Ruku-ku-tata, ruku-ku-tata hmm  
Ta basora bieu mes ta bari bon  
No bari bo kas nunca limpi limpi  
Pa berans no sinta den bo lugá  
Funchi ku tutu mes ta ser'é  
Funchi ku tutu mes ta ser'é

- E kurason di nos seú

Fruta putrí ta dañá barí kome hariña bisti barí

Ruku-ku-ta-ta-ta  
Awe nos t'ei wapa  
Fo'i chikí m'a tende  
Barí ta ronka  
Chapinan ta keña  
Rukutu-ta-ta  
Asina'ki ta toka  
Ora seú ta zona  
Asta palunan ta zia  
Ora seú ta pasa  
Kaya tin ku rende  
Hei, den Karibe  
Ta nos so tine  
Hopi ritmo ta parsé  
Niun no por igual'é

-Un bon seú

Wap'é, konch'é, bin dilanti bolbe konch'é

Fo'i chikí m'a tende  
Barí ta ronka Chapinan ta keña  
Rukutu-ta-ta  
Asina'ki ta toka  
Ora seú ta zona  
Asta palunan ta zia



Ora seú ta pasa  
Kaya tin ku rende  
Hei, den Karibe  
Ta nos so tine  
Hopi ritmo ta parsé  
Niun no por igual'é

No tira sambarku afó  
Pa pia drenta sapatu nobo  
Seú tin su aña bieu  
No por kambí'é ku ritmo djaleu

Ruku-ku-tata, ruku-ku-tata hmm  
Ruku-ku-tata, ruku-ku-tata hmm  
Ta basora bieu mes ta bari bon  
Funchi ku tutu mes ta ser'é

-E kurason di nos seú

#### **FIN**

#### **Palábra i proverbio:**

- ☐ No tira sambarku afó, pa pia drenta sapatu nobo - No mata nos ritmo di seú pa karga otro ritmo
- ☐ No bari bo kas nunca limpi limpi, pa berans no kue bo lugá. - Esun ku ta gusta kos di otro, lo kai den pobresa.
- ☐ Ruku-ku-tata - E base di e ritmo seú.
- ☐ Ta basora bieu mes ta bari bon - Kos bieu semper ta bon.
- ☐ Fruta putrí ta dañá barí - Kos malu ta pega
- ☐ Kome hariña bisti barí - Hasi uzo di loke ta na bo alkanes, òf balará o uza loke bo tin

#### **Deskripshon di e seú:**

E deseo inspirá ta pa no kambia i pone otro ritmo den seú. Pa seú zona mas modèrno nos a tuma pa kustumber di yen'é ku ritmonan manera soka, kalipso, salsa antiano i tambe ritmo kombiná. Asina tiki tiki nos ta pèrdè nos ritmo di seú su esensia original